

Sä'mmla ceerkvest -ha'ņķķōs vuāžžai teāgtōōzz ceerkvallaš-sāābbrest

Lää'dd evankeel-luteerla ceerkav ceerkvallaš-sāābbar lij priimmâm plaan, ko'st ceerkav da sä'mmlai kōskksa tuōttvuōtt- da suāvādvuōttprosessā kuulli ha'ņķķō'sse va'rre 90 000 eeu'r mie'rrtie'ģģ ee'jjid 2023 da 2024. Ha'ņķķōōzz nōmmân lij plaanum Sä'mmla ceerkvest, Sāmmiliih kirhoost, Sāpmelačcat girkus, Saamelaiset kirkossa.

Ceerkvallaš-sāābbar mie'rrtie'ģģ vuei'tlvāstt ha'ņķķōōzz, kää'tt lij jiōččnaž da jeā'rmōs valdia da sä'mmlai kōskksesst tuōttvuōtt- da suāvādvuōttkomissiost, koon šiōttee 28.10.2021. Ceerkav ha'ņķķōs juātkk luāndlō'žžen vue'ssen tōn tuāj, koon Lää'dd evankeel-luteerla ceerkav lij raajjām ee'jji poodd sä'mmlai, sää'mkiōli da sää'mkulttuur sâā'j ra'vvjem diōtt.

Mie'rrtie'ģģ mie'tt sää'mpapp Mari Valjakka juātkk tuājas ha'ņķķōōzzâst ee'jji 2023-2024 pāā'j projee'kttest va'sttee'jen tuājjtuejje'e'jen. Lāā'ssen ha'ņķķōōzz stāānān tāimmai jeā'rmōs ohjeemā'rttel.

Oulu aa'rhelkää'dd pispp Jukka Keskitalo stāān ha'ņķķōōzz da juātkk nāāi't tuōttvuōđ da suāvādvuōđ pue'rren raajjam tuāj, koon suu oudldeei pispp Samuel Salmi alttii raaukee'n pro'sttjōōzz sä'mmlain ceerkav tuejjeem vie'rrvuōđid Aanrest ee'kken 2012. Saaggstes pispp Salmi vii'ttji tuu'l ceerkav roo'le rooddmātt'tōslain tu'tkkōōzzin.

Prosee'ssest pājjan seāllhāāidlaž tāāvtōs de vuei'nnemku'lmm, koon kāčča ha'ņķķōōzzâst "jee'eltāā'zz" vuei'nnemku'lmmen. Tāān kovvee tōn, što ha'ņķķōōzzâst haa'lee teivvad sä'mmlaid ōhttān ooumžen da ōhttōssān sä'mmlai dommvuu'dest da gāārdin de ta'rjjeed lāā'ssen na'ddjōsvuālaž kiōtt'tōōllād ceerkva, oskku da āskldō'kke kuulli lossād aa'sšid. Prose'ss haa'lad ta'rjjeed lāā'ssen vuei'tlvažvuōđ jue'kked ōōutsāā'jest še puk tōn šiōgg, māi'd oummu liā kiōččlāsttam seā'brrkää'dd tāimm'mam pāāi'k.

Ha'ņķķōōzz čōōđte aa'rhelsābbar pravlee'nn'ja da Oulu aa'rhelkää'dd ōhttsažtuājjan. Āā'n priimmum mie'rrtie'ģģ va'rre aa'rhelsābbar pravlee'nn'ja tāāllarvvō'sse.

Aa'rhelsābbar vā'lddpiisar Kari Kopperi mie'ldd ha'ņķķōs alttad odđ mää'tt sä'mmlai da ceerkav kōskkvuōđâst. Tāāvtōssān lij āāvas da vuāssee'jes prose'ss, koon jātt'tā'ttem poodd jiā veāl teāđ, mākam puāđōōzzid puā'tte.

Lāā'ssteād:

Aa'rhelsābbar pravlee'nn'ja vā'lddpiisar Kari Kopperi, kari.kopperi@evl.fi, p. 050 5941317

Sä'mmla ceerkvest -ha'ņķķōōzz proje'kttplaaneei Mari Valjakka, mari.valjakka@evl.fi, p. 040 1833460